

傷寒論集注

傷寒論卷第四

錢塘張志聰隱菴註

辨太陰少陰厥陰病脈證篇

太陰之爲病。腹滿而吐。食不下。自利益甚。時腹自痛。若下之。必胸下結鞭。

太陽之氣若天日。太陰之氣猶地土。此言太陰受病。地氣不升而自利自痛也。太陰爲病。腹滿者。腹爲脾土。太陰之所居也。脾氣不能上交於胃。故腹滿。胃氣不能下交於脾。故吐。脾胃之氣。不相通貫。故食不下。自利益甚。

者濕氣下注也。時腹自痛者。脾絡不通也。若下之。則更傷陽明胃土之氣。故必胸下結硬。

太陰中風。四肢煩疼。陽微陰濇而長者。爲欲愈。

此言風爲陽邪。得太陰土旺之脈而欲愈也。經云風淫末疾。又云脾主四肢。故太陰中風而四肢煩疼也。陽微陰濇。病脈也。陽微陰濇而長。得太陰土旺之脈。土氣充溢於四肢。故爲欲愈。

太陰病欲解時。從亥至丑上。

太陰爲陰中之至陰。而至開亥者。陰之極。丑者。地氣開。

開矣。

太陰病脉浮者可發汗宜桂枝湯。

太陰在內主募原太陰在外主肌腠故病太陰而脉浮者宜桂枝湯以解肌而發汗也金匱要畧云腠者三焦通會元真之處理者皮膚藏府之紋理蓋皮膚有此紋理而藏府之募原亦有此紋理外內相通太陰主之○程氏曰紋理即肌腠也其曰皮膚之紋理以肌腠外連於皮膚而藏府之紋理可意會矣。

自利不渴者屬太陰以其藏有寒故也當溫之宜服四逆

輩。

上節病太陰之在外。此節病太陰之在內。在外故宜桂枝湯。在內故宜四逆輩。○愚按上文病太陰在外。此病太陰在內。下文病在外而轉繫於內。太陰主外主內而外內相通者如此。

傷寒脈浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩。下利日十餘行。必自止。以脾家實。腐穢當去故也。

上文病太陰而屬藏寒。此言不在太陰而爲脾實也。傷

寒脉浮而緩。至不能發黃。鮮同陽明篇七八日。乃太陽陽明主氣之期。暴煩下利者。太陰承陽熱之邪而下利也。故雖煩利必自止。所以然者。以脾家受盛實熱而腐穢當去故也。

本太陽病。醫反下之。因爾腹滿。時痛者。屬太陰也。桂枝加芍藥湯主之。大實痛者。桂枝加大黃湯主之。

桂枝加芍藥湯方

桂枝

三兩

芍藥

六兩

甘草

二兩

生薑

三兩

大棗

十二枚

右五味以水七升煮取三升去滓分溫三服

桂枝加大黃湯方

即前方加大黃二兩

此承上文腐穢當去之意而推言本太陽病醫反下之。因爾腹滿時痛者。乃太陽之邪入於地土而脾絡不通。故宜桂枝加芍藥湯主之。此即小建中湯治腹中急痛之義也。大實痛者。乃腐穢有餘而不能去。故以桂枝加大黃湯主之。

太陰爲病。脈弱。其人續自便利。設當行大黃芍藥者。宜減之。以其人胃氣弱。易動故也。

此因上文加芍藥大黃。

中言胃氣弱者宜減也。太陰

爲病脉弱。其人續自便利。乃太陰陰濕爲病。土氣內虛。不得陽明中見之化。設客邪內實。而常行大黃芍藥者。亦宜減之。減者少其分兩也。以其人胃氣虛弱而易動故也。治太陰者。尤當以胃氣爲本矣。

太陰篇終

辨少陰病脉證篇

少陰之爲病。脉微細。但欲寐也。

合下三節皆論少陰標本水火陰陽之氣。少陰之上。君

火主之本熱而標陰。火上而水下。火之精爲神。水之精爲精。脉微者神氣微也。細者精氣虛也。此少陰水火爲病而見於脉也。少陰主樞。外內出入。但欲寐。則神氣不能外浮。而陰陽樞轉不利。此少陰陰陽爲病而見於證也。少陰標本不外水火陰陽。故此節首論水火陰陽。而爲少陰病之總綱也。○太陽少陰本於先天一炁。並主寒水之精。君火之神。夫精取汁於中焦。神內藏於血脉。是以太陽少陰爲病而言脉也。

少陰病欲吐不吐。心煩但欲寐。五六日自利而渴者。屬少

陰也。虛故引水自救。若小便色白者。少陰病形悉具。小便白者。以下焦虛有寒。不能制水。故令色白也。

此言少陰標本水火之爲病也。少陰病欲吐不吐者。少陰寒水之氣。則欲吐。得少陰君火之氣。則不吐。心煩者。水不濟其火也。但欲寐者。神氣逆於陰也。若至五日。當少陰主氣之期。病在少陰。不復更傳厥陰矣。故五六日自利而渴者。屬少陰水火之爲病也。夫自利者水寒。渴者火熱。然由腎氣內虛。故引外水以自救。若更小便色白。爲少陰病形悉具。而無火熱之證。夫小便白。以下

焦虛而有寒。不能壯火之原。以制其水。故令色白。由是而知少陰水火之氣。上下交濟。而後可以无咎也。○莫氏曰。病屬太陽。其小便清者。知不在裏。仍在表也。病屬少陰。小便色白。乃下焦虛寒。不能制水。則表裏陰陽。不可執一而論。或曰。清與白。亦各有別也。

病人脉陰陽俱緊。反汗出者。亡陽也。此屬少陰。法當咽痛而復吐利。

此言少陰標本陰陽之爲病也。病人脉陰陽俱緊者。少陰本熱之陽。與少陰標寒之陰。相搏而爲病也。陰陽相

搏是當無汗反汗出者陽氣外亡也。夫陽氣外亡而曰此屬少陰。乃無陽則陰獨之義也。咽痛者少陰陽熱之氣也。以利者少陰陰寒之氣也。法當咽痛而復吐利者。先病陽而後病陰也。

少陰病。欬而下利。譫語者。被火氣劫故也。小便必難。以強責少陰汗也。

此下三節。皆言少陰不可發汗之意。少陰病欬者。乃腎精下竭。奔氣上迫於肺也。下利者。水氣不升。譫語者。火氣不降。所以致欬利譫語者。被火氣劫故也。火劫其汗。

小便必難。以強責少陰腎藏之精而爲汗故也。○愚按此論少陰腎藏之精氣上通心肺真氣上蒸而後汗出。溱溱非可以火劫奪之意。○趙氏曰強責少陰之汗而小便必難。則小便不但屬三焦屬膀胱而又屬少陰之腎藏矣。○晉氏曰觀其語意乃強責少陰之汗而小便難。小便難而後欲利譏語。證屬乎陽而本乎陰病在於上而因於下也。

少陰病脉細沉數。病爲在裏不可發汗。夫脉者氣血之先。生於中焦之穀精。主於少陰之心腎。

少陰病脉細者。中焦之精血虛也。沉者。腎水不升。芤者。君火不降。此病少陰而中焦心腎之經脉內虛。病爲在裏。不可發汗而更傷其心腎也。

少陰病脉微。不可發汗。亡陽故也。陽已虛。尺脉弱瀋者。復不可下之。

平脉篇曰。寸口諸微亡陽。故少陰病脉微。不可發汗者。以亡陽故也。夫陽亡則陽已虛。尺脉弱瀋者。乃下焦精血不足。故復不可下之。○愚按寸爲陽。尺爲陰。陽已虛。言寸脉已虛。以明脉微之在寸口。觀尺脉弱瀋而復不

可下之句其義明矣。

少陰病。脈緊至七八日。自下利。脈暴微。手足反溫。脈緊反去者。爲欲解也。雖煩下利必自愈。

此下五節皆論少陰欲解之證。此言少陰病氣得陽明之熱化而可愈也。少陰病脈緊者。陰寒爲病。而外搏於陽也。七八日當太陽陽明主氣。有下利者。邪從陽明之閤而下利也。脈暴微者。神氣暴虛而脈應之也。夫脈暴微。則手足宜冷。自下利則和氣空隔。今手足反溫。脈緊反去者。寒邪從腸胃而出。此爲欲解也。雖煩下利。乃少

陰得陽熱之氣而煩。從陽明之關而下利。必自愈。
少陰病下利。若利自止。惡寒。踰卧。手足溫者。可治。
此病少陰而得火土之生氣者。可治也。下利者。病少陰。
陰寒在下。若利自止。下焦之火氣自生矣。惡寒而踰卧。
者。病少陰。陰寒在外。手足溫者。中焦之土氣自和矣。火
土相生。故爲可治。

少陰病惡寒而踰。時自煩。欲去衣被者。可治。

上文惡寒踰卧。手足溫而土氣和者。可治。此言惡寒而
踰。但得君火之氣者。亦可治也。夫惡寒而踰。病少陰陰。

寒在外。時自煩而欲去衣被者。自得君火之氣外浮也。故爲可治。○朱氏曰。以上三節。每節中自字空玩。謂少陰之陰寒。自得三陽之氣化者。皆爲可治也。

少陰中風。脉陽微陰浮者。爲欲愈。

此言風爲陽邪。得陰浮之脉而可愈也。少陰中風者。風動少陰君火之氣也。脉陽微者。寸爲陽而火氣虛微也。陰浮者。尺爲陰而水氣外浮也。夫風火爲陽。今陽脉內微而陰脉外浮。乃陽病而得陰氣以和之。故爲欲愈。少陰病。欲解時。從子至寅上。

少陰秉先天之水火。主後天之陰陽。病則陰陽水火不
交。從子至寅。乃一陽漸生。三才氣合。故邪不能容。而病
解矣。

少陰病吐利。手足不逆冷。反發熱者不死。脈不至者。多少
陰七壯。

此下三節。病少陰而及於三陽也。此言病少陰之陰寒。
得太陽之陽熱者不死。少陰病吐利。少陰陰寒爲病也。
手足不逆冷。則中土之氣自和。夫病發於陰。當無熱矣。
反發熱者。得太陽之陽熱也。陰病而得陽熱。故不死。脈

不至者少陰生氣下陷。當灸少陰七壯以散陰中之生陽。愚按陰中之生陽乃少陽初陽之氣也。

少陰病八九日一身手足盡熱者以熱在膀胱必便血也。此言少陰得三陽之氣而熱入膀胱也。少陰病八九日當陽明少陽主氣。一身手足盡熱者陽明少陽之氣合併於太陽通體而爲熱也。夫太陽秉膀胱之氣而週通一身。今一身手足盡熱以熱在太陽之膀胱膀胱受熱散入胞中故必便血也。

少陰病但厥無汗而強發之必動其血未知從何道出或

從口鼻或從目出者是名下厥上竭爲難治

此言強發少陰之汗而動胞中之血也。少陰病但四肢厥冷則無汗矣。若強發之則血液內傷故必動其血。胞中者血海也。經云衝脈任脈皆起於胞中未知從何道出者未知從衝脈而出從任脈而出也。衝脈會於咽喉別而絡唇口出於頰頰頰頰乃口鼻交通之竅或從口鼻者從衝脈而出也。任脈從少腹之內上行繫兩目之下中央至目下之承泣或從目出者從任脈而出也。此生氣厥於下血出竭於上。是名下厥上竭經脈內傷爲

難治。○愚按上文一身手足盡熱以熱在膀胱散入胞中必便血此強發其汗而動胞中之血以徵太陽之氣表裏上下相通而出入於膀胱之義。

少陰病惡寒身踈而利手足逆冷者不治。

此下六節言少陰陰寒爲病而涉於外內上下此節病少陰之在外二節病少陰之在內三節在上四節在下五節合上下六節合外內皆言不得陽熱之化者死不治也。少陰病惡寒者少陰標陰外呈而不得太陽之表陽也。身踈者少陰神機內逆而不得君火之本熱也。若

更下焦生氣不升而利。中焦土氣不和而手足逆冷。此病陰寒而不得陽熱之化。故爲不治。愚按此節不言死。而但言不治者。乃少陰死證之總綱。夫少陰陰寒爲病。得太陽之表陽者不死。得君火之本熱者不死。下焦生氣上升者不死。中焦土氣自和者不死。今四者全無。故言不治。而爲死證之總綱。其下則分言死證之條目。再按手足逆冷者。手足厥逆而冷。與厥冷相同。故逆冷厥冷。但至腕踝而止。若四逆則冷至肘膝矣。○或問惡寒身踰手足冷。病少陰之在外。利非在外。何以稱焉。曰。仲

祖不徑言下利而言身蹇而利則在外之意蓋可見矣
少陰病吐利躁煩四逆者死

此病少陰在內而土氣內絕者死少陰病吐利者陰陽
之氣不歸中土故上吐而下利也躁煩者水火之氣不
歸中土故下躁而上煩也夫陰陽水火之神機皆從中
土而交會今土氣內絕而四逆四逆者冷至肘膝也故
死○愚按靈樞經曰人之所受氣者穀也穀之所注者
胃也胃者水穀血氣之海也海之所行雲氣者天下也
胃之所出血氣者經隧也經隧者五藏六府之大絡也

蓋胃府所出之血氣從藏府之太絡而外注於孫絡皮膚充膚熱肉澹滲皮毛後從指井而溜於榮注於俞行於經與藏府經脉之血氣相合於肘膝之間是以胃府之穀氣內絕則爲四逆夫君火之神腎藏之精皆本陽明水穀以資生而復交會於中土今土氣內絕故吐利躁煩四逆而死也。

少陰病下利止而頭眩時時自胃者死。

此病少陰在上而陽氣上脫者死少陰病下利止者氣機從下而上也頭眩者陽氣虛於上時時自胃者迫陽。

於上而陽氣欲脫也。陰寒上承。頭眩自冒。則孤陽上出。有上無下。故死。

少陰病四逆。惡寒而身踈。脈不至。不煩而躁者死。

此病少陰在下。而神機下陷者死。夫少陰之神機從中土而週遍於一身。少陰病四逆者。神機不達於中土。惡寒而身踈者。不能從中土而週遍於一身。脈不至。則血氣下脫。不煩而躁。則生氣下陷。而神機不轉。故死。○愚按土氣內絕。陽氣上脫。生氣下陷。皆爲死證。不必言矣。然醫者知死之所從去。即知生之所從來。得一線生機。

而挽回之功德莫大矣。

少陰病六七日息高者死。

此言少陰不能從下而上由陰而陽故六七日息高而死也。夫六七日乃由陰出陽之期息高乃腎氣絕於下而肺氣脫於上故死。

少陰病脉微細沉但欲卧汗出不煩自欲吐至五六日自利復煩躁不得卧寐者死。

此言少陰不能從外合內由陽入陰故五六日煩躁不得卧寐而死也。少陰病脉微細沉但欲卧者少陰神氣

精氣內虛而陰寒外呈之象也。汗出者陽氣外浮也。不煩自欲吐者不得君火之煩熱自得陰寒之欲吐也。至五六日乃三陰主氣之期。自利者少陰不得陽熱之氣而陰津下洩也。其未至五六日之時少陰陰寒爲病故不煩但欲卧至此而復煩躁不得卧寐乃虛陽外浮真陰內竭不能從陽入陰而外內離脫故死。○莫氏曰此節死證在復煩躁不得卧寐二語乃少陰神機外脫而不內歸於陰也。

少陰病始得之反發熱脈沉者麻黃附子細辛湯主之。

麻黃附子細辛湯方

麻黃

細辛

各二兩

附子

一枚

右三味以水一斗先煮麻黃減二升去上沫內諸藥煮取三升去滓服一升日三服

此下八節論少陰始得之病不能上合太陽之陽不能上濟君火之熱隨其在氣在經而施救治之法也此言始病少陰而陰陽外內之氣貴相接也少陰病始得之言寒邪始傷少陰是當無熱反發熱者太陽標陽外呈也脈沉者少陰生氣不升也夫標陽外呈生氣不升陰

陽外內不相接矣。故以麻黃附子細辛湯主之。炮熱附子。助太陽之表陽。而內合於少陰。細辛麻黃。啟少陰之水陰。而外合於太陽。按本草細辛氣味辛溫。一莖直上。端生一葉。其色赤黑。黑屬水而赤爲陽。一主天而辛上達。能啟水中之生陽。上與天氣相合。植麻黃之地。冬不積雪。其體空通。亦主從裏陰而外達於毛竅。蓋少陰之氣主水陰。太陽之氣主天表也。○少陰篇中凡云反發熱者。皆在太陽上看。

少陰病得之二三日麻黃附子甘草湯微發汗以二三日

無裏證故微發汗也。

麻黃附子甘草湯方

麻黃

甘草

炙餘同
各二兩

附子

一枚
炮

右三味以水七升先煮麻黃一兩沸去上沫內諸藥
煮取三升去滓溫服一升日三服

上文言始得之此言二三日乃承上文而言也夫二三
日無裏證則病少陰而外合於太陽故以麻黃附子甘
草湯微發其汗也夫少陰之氣外合太陽三日在外三
日在內少陰之汗乃心腎精血所化故用熟附以資腎

藏之精。麻黃以開心藏之血。合并於中胃而爲汗。故用
炙甘草。和中以滋其微汗。○上節麻黃附子細辛湯。主助
太陽之陽。內歸於少陰。少陰之陰。外通於太陽。非爲汗
也。此麻黃附子甘草湯。主開通心腎之精血。合於中土
而爲汗。故此則曰微發汗。而上文不言也。宋元諸家謂
麻黃配細辛。乃發汗之重劑。麻黃配甘草。乃發汗之輕
劑。又謂生附配乾薑補中有發。熟附配麻黃發中有補。
是皆不明撰論本義。不體立方大旨。而妄生臆說。後人
從而和之。此又不能探本澄源。而隨人顰笑耳。夫舍正

路而不由。蔽其心而不知求。哀哉。○高子曰。陰陽六氣。主肌腠之第二層。惟少陰陽明之氣。與太陽相合而出。表益少陰。主太陽之君火。陽明主秋金之天氣也。

少陰病得之二三日以上。心中煩不得卧。黃連阿膠湯主之。

黃連阿膠湯方

黃連

四兩

阿膠

三兩

黃芩

芍藥

各二兩

雞子黃

二枚

右五味以水六升。先煮三物。取二升。去滓。內膠烱盡。小冷。內雞子黃。攪令相得。溫服七合。日三。

首節言始得之。次節言二三日。此言二三日以上。乃通承上文。而亦始得之之意也。少陰病得之二三日以上。則始病少陰。而少陰之氣。不能上濟君火之陽。熱傷經脈。故心中煩。煩則不得卧。故以黃連阿膠湯。主之。黃芩黃連。清心中之煩熱。芍藥阿膠。養心主之。神血。卽以未分之形。白象天而主氣。黃象地而主血。用雖子黃二枚。合地二之數。以資中土。助其四散心氣。和而脈絡通。不致有下文下利膿血之證矣。

少陰病得之一二日。口中和。其背惡寒者。當灸之。附子湯。

主之。

附子湯方

附子

二枚炮

白朮

四兩

人參

二兩

茯苓

芍藥

各三兩

右五味以水八升煮取三升去滓溫服一升日三

承上文二三日以上而言二三日以上則爲一二日不

但爲始得之之意也。經云心氣通於舌舌和則知五味

矣。一二日而口中和則不病君火之熱所以然者少陰

水陰之氣能上濟其君火也。其背惡寒者乃太陽陽虛

不與君火相合故當灸之以益太陽之陽更以附子湯

主之用熱附二枚者一助太陽之真陽一助少陰之生陽人參白朮補中焦之穀精芍藥茯苓資心主之神氣則少陰神機外盛而太陽表陽內合矣

少陰病身體疼手足寒骨節痛脈沉者附子湯主之

上文言附子湯助太陽之陽此言附子湯助君火之熱所以足上文之意也少陰病身體疼者君火之氣不能週遍於一身手足寒者君火之氣不能充達於四肢骨節痛者君火之神機不能遊行以出入脈沉者君火之神機不能自下以達上此少陰爲病而君火內虛神機

不轉故亦以附子湯主之。所以足上文之意者如此。
少陰病下利便膿血者桃花湯主之。

桃花湯方

赤石脂

一斤 一半全用 一半篩末

乾薑

一兩

粳米

一升

右三味以水七升煮米令熟去滓內赤石脂末方寸匕溫服七合日三若一服愈餘勿服

合下三節言少陰水陰之氣不能上濟其君火熱傷經脈下入募原而爲下利膿血之証也。桃花湯主之者赤石脂氣味甘溫主養心氣療腹痛治下利膿血一半全

用者取其圓赤象心以養心氣。心主血也。一半篩末者取其散於經脈而外達於孫絡。配乾薑粳米以溫養其中土。蓋血脈本於中焦所化也。赤石脂色如桃花故名桃花湯。或曰赤石脂即桃花石也。

少陰病二三日。至四五日。腹痛。小便不利。下利不止。便膿血者。桃花湯主之。

少陰病得之二三日。不從微汗而解。則內傷經脈。至四五日入於太陰之脾絡。故腹痛。脾不轉輸。故小便不利。經脈傷而下入募原。故下利不止。便膿血。桃花湯主之。

少陰病下利便膿血者可刺。

此承上文兩節言病在經脉而爲下利便膿血者可刺。

以明便膿血之在經脉也。

少陰病吐利手足逆冷煩躁欲死者吳茱萸湯主之。

吳茱萸湯方

吳茱萸 洗 一升 人參 三兩 生薑 六兩 大棗 十二枚

右四味以水七升煮取二升去滓溫服七合日三

此下五節論少陰神機逆於經脉而爲病首節言不能

會合於中土二節言不能通貫於三焦三節言不能自

內而外。四節言不能自下而上。五節言或從經脈而出。或從中土而出。所以總結上文之意也。少陰病吐利者。神機不能交會於中土。故上吐而下利。土氣內虛。不能充達於四肢。故手足逆冷。煩躁欲死者。少陰神機挾寒邪而逆於經脈。心脈不能下交於腎。則煩。腎脈不能上通於心。則躁。上下經脈之氣不交。故煩躁欲死。吳茱萸湯主之。吳茱萸具木火之性。能溫中土而使神機內轉。薑棗參。秉辛甘之味。能補精汁而使經脈流通。神機轉而吐利除。經脈通而煩躁寧矣。

少陰病下利咽痛胸滿心煩者猪膚湯主之

猪膚湯方

猪膚一觔

右一味以水一斗煮取五升去滓加白蜜一斤白粉五合熬香和令相得溫分六服

夫少陰神機內合三焦。少陰病下利則下焦生氣不升。咽痛則上焦火氣不降。胸滿則中焦樞轉不利。心煩者神機內逆於經脈也。神機內逆不能合三焦而遊行旋轉。故以猪膚湯主之。猪乃水畜能助水精而上滋其火。

熱膚通週身能從皮膚而內通於腠理。蜂採四時之花
以釀蜜。粉爲中土之穀而四散。熬香者。稼穡作甘。其臭
香。溫分六服者。溫煖經脈而分布上下四旁。土氣充盛。
則三焦之氣外行肌腠而內通經脈矣。

少陰病二三日咽痛者可與甘草湯不差與桔梗湯。

甘草湯方

甘草 二兩 生用

右一味以水三升煮取升半去滓分溫再服

桔梗湯方

即前方加桔梗

一兩煎法同前

此言少陰神機不能從內而達外也。夫少陰之氣外合太陽。三日在外。三日在內。今少陰得病二三日而咽痛者。少陰神機逆於經脈。循經挾咽。故痛也。此二三日有經脈之裏證。故可與甘草湯。甘草生用。主調經脈而清火熱不差者。言甘草但主和中。不能達外。故與桔梗湯。方中更加桔梗。開達肺氣。使少陰之氣外出皮毛。則神機外轉。而咽痛可愈。以明少陰之氣當隨經脈而外出也。愚按本論湯方。甘草俱炙。炙則助脾土而守中。惟此

生用。生則和經脈而流通。學者不可以其近而忽之也。
少陰病咽中傷。生瘡不能語言。聲不出者。苦酒湯主之。

苦酒湯方

半夏

十四枚。○七乃水之生成數。十四乃偶七而成偶中之奇片也。

雞子

一枚。去黃。

右二味內半夏著苦酒中。以雞子殼置刀環中安火

上令三沸。去滓。少少含嚥之。不差更作三劑。

此言少陰神機不能自下而達上也。少陰病咽中傷。則甚於咽中痛矣。痛極咽傷。火熱久炎。故生瘡不能語言者。少陰之生陽不升。聲不出者。肺管之會厭不發。故以

苦酒湯主之苦酒醖也。具養生之木味。主達生陽之氣。以上升。半夏生當夏半。能啟一陰之氣。雞屬酉金。卵白象天主助肺天之氣。刀乃金類。環者還也。取金聲之還轉也。火上三沸者。金遇火而三伏。則金氣盛矣。苦酒湯方。主引水氣上升。而上清其火熱。水氣上濟於肺。則能言而聲出。上交於心。則咽清而火降。以明少陰之氣。當從下而達上也。

少陰病咽中痛。半夏散及湯主之。

半夏散及湯方

半夏 此

桂枝

甘草

右三味等分。各別搗篩。已合治之。白飲和服。方寸匕。日三服。不能散服者。以水一升煎七沸。內散兩方寸匕。更煎三沸。下火。令小冷。少少燕之。

此節總結上文。言少陰神機。循行於中土三焦。出入於外內上下。尤貴經脉之流通也。少陰病咽中痛者。統承上文而言也。半夏散用半夏。啟一陰之氣。桂枝助心主之神。炙甘草補中。用散者。取其從經脉而四散於皮膚。不能散服者。寓言也。意謂用散。不能從經脉而散其病。

則以火煎湯取其從中土而外達於肌表。蓋神機出入
環轉無方。或從經脉。或從中土。而不可執一者如此。○
愚按以上五節。皆論少陰之神機出入。與辨脉篇論寸
口趺陽四節同義。其言少陰脉如經。又言浮則傷胃。數
則動脾。夫脾胃者中土也。經云根於中者。命曰神機。出
入廢則神機化滅。故留於中則爲屎膿。逆於上則生惡
瘡。出遊不歸則無以返其真。不歸於心則神不守舍。是
皆少陰神機之爲病也。孔子曰出入無時。莫知其鄉。惟
心之謂與。學者能從正氣之出入以識邪。因邪氣之爲

病以悟正。則取之左右逢其原。而過人遠矣。
少陰病。下利。白通湯主之。

白通湯方

葱白

四莖

乾薑

一兩

附子

一枚生用

右三味以水三升煮取一升去滓分溫再服

此下四節皆論少陰下利之證。其第五節言少陰四逆。皆主生陽內脫。然亦有土氣鬱滯以致四逆。則以四逆散主之。所以結四逆之義也。第六節言少陰下利。咸主裏氣虛寒。然亦有陽熱外浮。因爾下利。則以猪苓湯主

之所以結下利之義也。此言白通湯主治少陰陰寒下利也。夫下利者，乃腎精不升，心火不降，土氣內虛，故白通湯用生附、啓腎藏之生陽。蔥莖通心火之神氣。乾薑溫土氣之虛寒。夫蔥去在下之根，用在上之莖。主從上而通下。薤去在上之莖，用在下之根。主從下而達上。今時用蔥頭者，即薤白去莖之意。

少陰病下利。脉微者。與白通湯。利不止。厥逆無脉。乾嘔煩者。白通加猪膽汁湯。服湯。脉暴出者死。微續者生。

白通加猪膽汁湯方

即白通湯加人尿

五合

猪膽汁一合

右五味以水三升煮取一升去滓內膽汁人尿和令相得分溫再服無膽汁亦可

上文言少陰下利與白通湯此承上文而兼言脈微者以脈始於腎主於心生於中土以明上文下利乃腎精不升心火不降土氣內虛之意利不止厥逆無脈者言服湯不解始焉下利繼則利不止始焉脈微繼則厥逆無脈更兼乾嘔心煩者乃陰陽水火並竭不相交濟故以白通加猪膽汁湯夫猪乃水畜膽具精汁可以滋少

陰而解其煩嘔。人尿乃入胃之。飲水精四布。五經並行。可以資中土而和其厥逆。中土相濟。則煩嘔自除。故曰無膽汁亦可。服湯脉暴出死。微續生者。以脉之生原。從下而上。由陰而陽。暴出無根。故主死。微續有本。故主生。少陰病二三日不已。至四五日。腹痛。小便不利。四肢沈重。疼痛。自下利者。此爲有水氣。其人或欬。或小便利。或下利。或嘔者。真武湯主之。

真武湯方

茯苓

芍藥

生薑

各三兩

白朮

二兩

附子

一枚

右五味以水八升煮取三升去滓溫服七合日三服

若欬者加五味子

半觔

細辛 一兩

乾薑 二兩

若小便

利者去茯苓若下利者去芍藥加乾薑

二兩

若嘔者

去附子加生薑

足前成半觔

此言真武湯治少陰水氣下利也。夫少陰神機外合太

陽。三日在外。三日在內。在外者神氣乃浮。而外合於太

陽。在內者天氣下降。而內歸於太陰。少陰病二三日在

外不已。至四五日。則內歸於陰。太陰主腹。故腹痛。脾不

轉輸。故小便不利。土屬四旁。而外邪未解。故四肢沈重。

疼痛。上氣虛微。故自下利。此爲有水氣者。腎爲水藏。精
土氣之輪布。今神机內陷。土氣不升。故以真武湯主之。
白朮茯苓。運脾土而制伏其水氣。芍藥資養心氣。生薑
宣通胃氣。附子壯大火土。以溫寒水。以助神機。其人或
欬者。肺氣虛於上也。加味子細辛。助少陰初陽之氣。以
上升。乾薑溫太陰脾土之氣。以上達。少陰氣升。則水天
一氣。太陰氣達。則地天交泰矣。或小便利者。水道泄於
下也。故去滲洩之茯苓。或下利者。中土虛於內也。故去
芍藥之苦泄。加乾薑以溫暄。嘔者。氣逆而津竭也。故去

附子之火熱。加生薑以宣通。名曰真武湯者。以真武乃北方元武七宿。而爲鎮水之神也。

少陰病。下利清穀。裏寒外熱。手足厥逆。脈微欲絕。身反不惡寒。其人面色赤。或腹痛。或乾嘔。或咽痛。或利止。脈不出者。通脈四逆湯主之。

通脈四逆湯方

甘草 三兩

乾薑 三兩強人四兩

附子 一枚生

右三味以水三升。煮取一升二合。去滓分溫再服。其脈即出者愈。面色赤者。加蔥九莖。腹中痛者。去蔥。加

芍藥 二兩 嘔者加生薑 二兩 咽痛者去芍藥加桔梗

一兩 利止脉不出者去桔梗加人參 二兩

此言通脉四逆湯治下利清穀脉微欲絕也。下利清穀。少陰陰寒之證也。裏寒外熱。內真寒而外假熱也。手足厥冷。則陽氣外虛。脉微欲絕。則生氣內竭。夫內外俱虛。身當惡寒。今反不惡寒。乃真陰內脫。虛陽外浮。故以通脉四逆湯主之。夫四逆湯而曰通脉者。以倍加乾薑。土氣溫和。又主通脉也。故曰其脉即出者愈。用生附。啟下焦之生陽。乾薑甘草。溫中焦之土氣。中土溫而陽氣生。

其脉即出矣。若其人面色赤。乃虛陽上浮。加蔥九莖。以
通陽氣之下交。或腹痛者。乃脾絡不通。非陽氣上浮。故
去蔥。芍藥主通經脉。故加芍藥。或乾嘔者。乃胃氣內逆。
故加宣達之生薑。或咽痛者。火氣上承。故去經脉之芍
藥。加利肺之桔梗。或利止脉不出者。下焦陽氣將復中。
焦精血內虛。故去開通之桔梗。加補益之人參。夫桔梗
乃神農下品之藥。色白味辛。主治胸脇痛如刀刺。益能
開胸脇之痺閉。而宣通宗氣肺氣者也。故凡有餘氣閉。
而胸痛咽痛驚悸寒者。宜之。如三焦元氣虛者。大忌。

後人謂桔梗乃舟楫之藥。載諸藥而不沉。杜撰已甚。今人安菊簡而襲臆說者。不特一桔梗爲然也。少陰病。四逆。其人或欬。或悸。或小便不利。或腹中痛。或泄利下重者。四逆散主之。

四逆散方

甘草

枳實

柴胡

芍藥

右四味各十分。搗篩。白飲和服。方寸七日三服。欬者

加五味子乾薑

各五分

并主下利悸者加桂枝

五分

小便不利者加茯苓

五分。○分俱去聲

腹中痛者加附子

一枚

炮令泄利下重者先以水五升煮薤白三升煮取三

升去滓以散方寸匕內湯中煮取一升半分溫再服
本篇凡論四逆皆主生陽不升穀神內脫此言少陰四
逆不必盡屬陽虛亦有土氣鬱結胃氣不舒而爲四逆
之證所以結四逆之義也故方中用柴胡炙草和中而
達外枳實宣達胃土芍藥疏通經脈用散者取其四散
於外內之意欬者加味子乾薑溫欬肺氣并下利者
乾薑能溫而味子能欬也悸者加桂枝以保心氣小便
不利者加茯苓以疎通腹中痛者加附子以溫陰濕之

土泄利下重者。加薤白以啟隔下之陽。

少陰病下利六七日。欬而嘔。渴心煩不得眠者。猪苓湯主之。
湯方并解義俱見陽明篇下大承氣湯亦然。

本篇論少陰下利皆主土寒水泄。陽氣虛微。此言少陰下利至六七日。則陰盡而陽復。欬者。肺主皮毛而裏邪外出也。嘔渴心煩者。少陰合心主之神而來復於陽也。不得眠者。因於煩也。凡此皆爲陽熱下利。故以猪苓湯主之。所以結下利之義也。合上兩節。乃造論之章法。學者不知其原。漫言四逆散治少陰四逆。猪苓湯治少陰。

下利舉一廢百不亦誣乎。

少陰病得之二三日口燥咽乾者急下之宜大承氣湯。

此下三節皆言急下首節言君火上炎次節言君相兩火燔燔末節言火入地中明而見傷皆當急下之意少陰病得之二三日此少陰自得之邪將去外而入內口燥者心竅開於舌君火盛而口燥也咽乾者心脈上挾咽心血枯而咽乾也若不急下將自焚矣宜大承氣湯上承君火之熱而下洩以養陰所謂急者如人墮於水之中不容須臾緩也。

少陰病自利清水色純青心下必痛口乾燥者急下之宜大承氣湯。

上文言君火在上不得陰血以相滋此言君相二火相煽不得陰液以相濟也。少陰病自利清水者君火在上而水津下洩也。色純青者君相二火相合於上而少陽木色下現也。陰液不上兩火如焚則血液并竭故心下必痛而口乾燥若不急下火烈傷人宜大承氣湯急以水濟火也。○愚按離卦九四乃兩離相繼故曰突如其來如有焚如死如棄如之象此不得火之明而得火之

烈者也。此之君相二火，即兩離相繼也。

少陰病六七日，腹脹不大便者，急下之，宜大承氣湯。

此言火入地中，猶明夷自傷之義。夫少陰神機，三日在外，三日在內，六七日氣機又當來復於外，腹脹不大便，乃日入地中，閉塞胃明，若不急下，則一息不運，而神機化滅，故亦宜大承氣湯急下也。○愚按明夷之上六曰：不明晦，初登於天，後入於地。以上首節乃初登於天也，次節兩離相繼，末節乃後入於地也。所謂始則處高位，以傷人之明，終必至於自傷而墜厥命，救人急難者當

急留意焉。

少陰病。脉沉者。急温之。宜四逆湯。

四逆湯方

甘草 二兩

乾薑 兩半

附子 一枚 生

右三味以水三升煮取一升二合去滓分温再服

此承上文急下而并及於急温。意謂少陰水火主氣。病火熱在上。而無水陰相濟者。宜急下。病陰寒在下。而無陽熱之化者。當急温。緩則如焚如溺矣。夫病有緩急。方有大小。若以平和湯治急證者。與庸醫殺人同律。夫元

氣發原於下。從中上而達於四肢。脉沉。乃生氣不能從下而中。故用下焦之附子。配中焦之炙甘草。乾薑。若中焦爲病。而生原無恙者。止用理中。固而不必附子矣。後人有附子無乾薑則不熱。得甘草則性緩之說。此撰不經之語。而貽誤後昆者也。如當急用附子。而先以桂試之者。亦誤事匪淺。

少陰病。飲食入口則吐。心中溫。欲吐。復不能吐。始得之。手足寒。脉弦遲者。此胸中實。不可下也。當吐之。若膈上有寒飲乾嘔者。不可吐也。當溫之。宜四逆湯。

合下兩節皆論少陰神機。內外環轉上下無方。以終少陰標本寒熱陰陽水火之義。飲食入口則吐者。少陰神機內逆。而水火不交也。心中溫溫欲吐。復不能吐者。病標陰寒水之氣。則欲吐。得上承火熱之氣。則不吐。始得之者。原其始得病之時。手足寒。則少陰真陽之氣不能從內而外。脈弦遲。則少陰真陰之氣不能自下而上。此胸中實者。言真陽真陰之氣不能外行上達。則邪實胸中。是雖邪實而少陰神機當自下而上。故不可下也。當吐之。而神機上達矣。若膈上有寒飲乾嘔者。亦少陰真

陽真陰之氣。不能外行上達。故膈寒而嘔。是雖寒嘔。而少陰神機。當從內而外。故不可吐也。當以四逆湯溫之。而神機外出矣。夫神機出入。環轉無方。則少陰標本寒熱。陰陽水火。變幻之微。可從此而會悟矣。

少陰病。下利。脈微瀉。嘔而汗出。必數更衣。反少者。當溫其上。灸之。

此亦上文之意。言少陰神機。徹上徹下。或內或外。不可畧有阻滯也。少陰病下利。下焦之氣虛寒也。脈微瀉。中焦之精血內虛也。嘔而汗出。上焦虛而水津外洩也。表

既下利。必數更衣。反少者。言利減而更衣反少也。夫下利少。則其病在上。故當溫其上。以助上焦之氣。然少陰神機從下而上。故更當灸之。以啟下焦之氣。由是而知少陰之氣。上下內外。不可畧有阻滯也。○附趙瑾叔曰。傷寒一書。乃論證立方。以補軒岐未盡之理。實繼軒岐而闡明五運六氣陰陽升降血氣出入之微。故必從正以識病因病而知正。其本意在語言文字之中。復在語言文字之外。隱師本靈素之理。註明本論貫通會悟。脉絡分明。與本論並傳不朽。雖高明不能贊一辭。非至真

者而如是乎。夫太陽出而燭火當熄。發明本論。不得旨歸者。盡亟研求。集註開示。後學若隔膜。臆說剿襲。不經祇自贖爾。何堪贖人。嗟。人苟未免有知。亦復誰能棄此。

少陰篇終

辨厥陰病脉證篇

厥陰之爲病。消渴。氣上撞心。心中疼熱。飢而不欲食。食則吐。就下之利不止。

厥陰者。陰之極也。夫兩陰交盡。是爲厥陰。陰極而陽生。

故厥陰不從標本。從中見少陽之氣化也。厥陰之爲病。消渴者。經云。厥陰之上。風氣主之。所謂本也。病干本氣。故風消而渴也。氣上撞心。下焦之氣不和也。心中寒熱。中焦之氣不和也。飢而不欲食。上焦之氣不和也。夫三焦者。少陽也。經云。本之下。中之見也。厥陰中見少陽。故有三焦之病也。食則吐。就下之利不止者。乃厥陰標陰爲病。經云。見之下。氣之標也。厥陰以陰寒爲標。就乃陰類。不得陽熱之化。則頗生而吐。下之則陰極而陽不生。故利不止。愚按此節。乃厥陰爲病之總綱。○莫氏曰。厥

陰之爲病消渴。厥陰之主氣也。氣上撞心。疼熱而不欲食。厥陰心包之主血也。消渴而利不止。厥陰有寒熱之氣化也。氣血寒熱四者。乃厥陰之大綱也。

厥陰中風。脉微浮爲欲愈。不浮爲未愈。

此下凡四節。乃復申明首節之義。此節申明厥陰之上風氣主之也。厥陰中風者。風傷厥陰之氣也。脉微浮爲欲愈者。風爲陽邪。脉主陰血。得陰血之微浮。而熱病當愈。不得陰血之微浮。而未愈也。

厥陰病欲解時。從丑至卯上。

合下兩節申明厥陰藉中見少陽木火之氣化也。從丑至卯上。乃少陽木氣生旺之時。厥陰而得木氣之陽春。故欲解也。

厥陰病。渴欲飲水者。少少與之愈。

渴欲飲水。乃少陽火熱之氣盛。厥陰得火熱之氣。故少少與之。而能愈也。

諸四逆厥者。不可下之。虛家亦然。

此節申明厥陰不可下也。夫四逆者。冷至肘膝。厥者。冷至腕踝。少陰病。四逆而厥。厥陰病。亦四逆而厥。故曰諸

四逆厥。夫四逆厥者。咸藉生陽之來復。故不可下之。虛家亦然者。謂氣血兩虛之家。亦不可下。又不獨厥陰爲然也。○愚按四逆而厥。急溫猶難。豈有下之之理。今曰不可下者。所以申明上文下之利不止之意。謂厥陰標陰在下也。○或問此節既申明厥陰標陰在下。何以言諸四逆厥。復言虛家。曰仲祖之書。脈絡如灰線。語意如盤珠。觸類旁通。因此悟彼。處上皆然。不獨此也。傷寒先厥。後發熱而利者。必自止。見厥復利。

自此以下凡十八節。皆論厥熱。意謂厥陰者。陰之極也。

陰極陽生。厥熱相應。其病當愈。熱氣有餘。則傷包絡。而便膿血。但厥無熱。則有陰無陽。而爲不治之死證也。傷寒先厥者。言傷寒一日。厥陰受之。故先厥也。後發熱而利者。言二日太陽主氣。便得三陽之熱化。故發熱。夫發熱而利。則陽氣已復。非同厥利。故必自止。見厥復利者。言病不從三陽而解。復更三陰主氣。故復見手足厥冷。而得下利之證。○此節首論厥熱。乃論厥陰陰陽環轉。次述傳變之意。夫病在厥陰。即以一日起厥陰者。從一而三。從陰而陽。先天之氣始也。病在太陽。即以一日起

太陽者。從三而一。從陽而陰。後天之氣始也。夫本論乃無中生有之元機。先後二天之妙用。此之謂也。

傷寒始發熱六日。厥反九日而利。凡厥利者。當不能食。今反能食者。恐爲除中。食以索餅。不發熱者。知胃氣尚在。必愈。恐暴熱來出而復去也。後三日脉之。其熱續在者。期之。旦日夜半愈。所以然者。本發熱六日。厥反九日。復發熱三日。并前六日。亦爲九日。與厥相應。故期之。旦日夜半愈。後三日脉之。而脉數。其熱不罷者。此爲熱氣有餘。必發癰膿也。

合下兩節論厥熱而詳審其除中傷寒以胃氣爲本也。傷寒始發熱六日者。一日厥陰即得中見之化而發熱六日也。厥反九日者。作再經而不得中見之化。故無熱而厥。厥反九日而利也。夫厥利爲陰。故凡厥利者。當不能食。今反能食者。恐爲除中。除中者。中土之氣外除也。若食以索餅。不發熱者。知胃氣尚在。必愈。夫索餅麥餅也。麥乃肝之穀。能勝胃土。今不發熱。故知必愈。若發熱恐暴熱無根。一時來出。不久復去。而爲除中也。夫以日計之。後三日。又當少陽主氣之期。若脈之而熱續在者。

非暴熱無根。故期之。且日夜半愈。且日乃平旦。少陽氣旺之時。夜半乃子時。一陽初生之候。少陽氣旺。一陽初生。厥利當愈。又申明所以得愈者。以發熱日期與厥相應。無有偏勝之故。設至此不愈。後三日又始於厥陰。而交於陽明。脉之而脉數。陽熱盛也。其熱不罷。火氣勝也。此爲太陽陽明熱氣有餘。必內傷血分。而發癰膿也。蓋厥陰包絡主血。若熱氣有餘。則傷血分。而化爲癰。癰之膿。非發癰也。

傷寒脉遲六七日。而反與黃芩湯。微其熱。脉遲爲寒。今與

黃芩湯復除其熱。腹中應冷。當不能食。今反能食。此名除中。必死。

上文言熱氣有餘。而發癰膿。此言熱氣不足。而內外寒冷也。傷寒脉遲。主血氣虛寒。六七日者。六日一週。七日來復於厥陰。夫厥陰得中見之熱化。其病可治。醫不知此。而反與黃芩湯。微其內外之熱。夫上文脉數爲熱。此脉遲爲寒。今與苦寒之黃芩湯。復除其熱。夫熱除。則腹中應冷。腹冷。當不能食。今反能食。此名除中。不必食。以索餅而知其必死也。○陳氏曰。除中者。上焦主納。胃居

中土。今去中胃而出於上焦。是無中也。故反能食而名除中。○或曰。陽明居太少之中。故名除中。○張氏曰。黃芩湯。但指黃芩。不必拘泥本論之黃芩湯方也。

傷寒先厥。後發熱。下利必自止。而反汗出。咽中痛者。其喉爲痺。發熱無汗。而利必自止。若不止。必便膿血。便膿血者。其喉不痺。

合。下兩節。論厥熱之熱氣盛而爲咽痛口傷也。傷寒先厥者。始於厥陰也。後發熱者。交於太陽也。下利必自止者。陽氣上升也。夫先厥後熱。下利且止。則陰陽似和其

病當愈而反下出咽中痛者陰液虛而火氣盛也其喉
爲痺者經云一陰一陽結謂之喉痺一陰者厥陰也一
陽者少陽也今厥陰爲病而見少陽之火熱咽痛故其
喉爲痺夫始之下利必自止者乃發熱無汗而利必自
止也若發熱無汗而利不止則太陽陽熱之氣不能上
升必陰津下竭熱氣內傷而便膿血夫便膿血則火熱
下行故其喉不痺此明火熱下行則便膿血火熱上升
則咽痛而爲喉痺者如此

傷寒一二日至四五日厥者必發熱前熱者後必厥厥深

者○熱○亦○深○厥○微○者○熱○亦○微○厥○應○下○之○而○反○發○汗○者○必○口○傷○爛○赤○

傷寒一二日○乃從厥陰而交於太陽也○至四五日○乃從少陽而交於太陰也○夫從陰出陽○從陽入陰○乃陰陽自然之理也○故一二日至四五日○厥者○必發熱○是先厥後熱也○前熱者○後必厥○是先熱後厥也○夫厥之日期深者○則發熱亦深○如上文厥九日○熱亦九日者是也○厥之日期微者○則發熱亦微○如下文厥五日○熱亦五日者是也○夫一二日○厥者○厥在太陽○宜從汗解○四五日○厥者○厥在

上陰宜從下解。若厥應下之。而反發汗者。則陰津妄洩。陽熱上炎。故必口傷爛赤。此明口爛而爲脾熱者如此。傷寒病厥五日。熱亦五日。設六日當復厥。不厥者愈。厥終不過五日。以熱五日。故知自愈。

此承上文而言厥熱相應。其病當愈也。上文云一二日至四五日厥者。必發熱。故此則言厥五日。而熱亦五日也。設六日復厥。則厥將深。今不厥。故自愈。所以然者。厥終不過五日。以熱亦五日。無有偏勝。故知自愈。

凡厥者。陰陽氣不相順接。便爲厥。厥者。手足逆冷者是也。

合下兩節言但厥而不得陽熱之氣化也。前言諸四逆厥。此言凡厥其義相同。陰陽氣不相順接者。十二經脈從陰出陽。由陽入陰。相爲順接。而氣行於四肢。今陰陽之氣不相順接。便爲厥矣。又申言厥者。但手足逆冷。不若四逆之至肘膝也。

傷寒脈微而厥。至七八日。膚冷。其人躁。無暫安時者。此爲藏厥。非虵厥也。虵厥者。其人當吐虵。今病者靜而復時煩者。此爲藏寒。虵上入其膈。故煩。須臾復止。得食而嘔。又煩者。虵聞食臭。出其人。當自吐虵。虵厥者。烏梅丸主之。又主

久利。虬音細。

烏梅丸方

烏梅

三百枚

細辛

六兩

乾薑

十兩

黃連

一觔

蜀椒

去汗

當歸

各四兩

桂枝

附子

炮

人參

黃蘗

各六兩

右十味異禱篩合治之以苦酒浸烏梅一宿去核蒸

之五升米下飯熟搗成泥和藥令相得內臼中與蜜

杵二千下圓如梧桐子太先食後服十圓日二服稍

加至二十圓禁生冷滑物臭食等

此言藏寒則為虬厥而不同於藏厥也。夫惟陰無陽則

爲藏厥。陰陽不和。則爲藏寒。傷寒脈微而厥者。經脈內
虛。不得生。陽之氣也。至七八日者。七日厥陰。八日太陽。
太陽之氣主膚表。當順接而爲熱。今膚冷者。不得太陽
之陽熱也。其人躁者。真陽外浮也。無暫安時者。生陽外
脫也。此爲惟陰無陽之藏厥。而非陰陽不和之蛇厥也。
若蛇厥者。其人當吐蛇。今病者靜而復時煩者。煩異於
躁。靜復時煩者。異於躁。無暫安。故此爲藏寒而蛇厥。不
同於藏厥也。又申明煩者。蛇上入其膈故也。靜者。須臾
復止是也。得食而嘔。又煩者。即所謂靜復時煩也。其人

當自吐衄者。就開食息。故出也。此因臟寒而衄。厥者。烏梅丸主之。烏梅得先春之氣。苦酒具曲直之味。皆能回陽。春以消陰類。桂枝蜀椒助上焦心火之神。附子細辛。故下焦生陽之氣。人參乾薑當歸溫補中焦之血氣。黃連黃蘗味苦色黃。一導君火之氣。以下交一引陰中之氣。以上濟。若能除煩。若能殺蟲也。又主久利者。言厥陰肝木之氣不能上升。藏氣虛寒而爲久利。此方能升達生陽。調和血氣。故又主焉。

傷寒熱少厥微。指頭寒。默默不欲食。煩躁數日。小便利。色

白者此熱除也。欲得食其病爲愈。若厥而嘔。胸脇煩滿者。其後必便膿血。

此節言病厥陰而微得陽熱之氣。下節言病厥陰而不得陽熱之氣也。傷寒熱少厥微者。少陽氣化不盛。故熱少厥陰陰寒不深。故厥微。指頭寒則厥微可險矣。然熱不欲食則熱少可微矣。煩躁數日者。少陰火熱爲病則煩。少陰水寒爲病則躁。夫水濟火而仍下行。火濟水而仍上出。若小便利。色白者。水濟火而下行。故曰此熱除也。欲得食者。火濟水而上出。故曰其病爲愈。若厥而嘔。

則寒邪內逆而開闔不利。胸脇煩滿。則熱邪內逆而樞轉不和。久則邪傷包絡。故其後必便膿血。

病者手足厥冷。言我不結胸。小腹滿。按之痛者。此冷結在膀胱關元也。

四肢者。諸陽之本。病者手足厥冷。乃厥陰爲病。而不得陽熱之氣也。言我不結胸者。以明陰寒之氣結於下。而不結於胸也。結於下。故小腹滿。按之痛。膀胱關元俱在小腹之內。故曰此冷結在膀胱關元也。蓋太陽之氣。生於膀胱。隨氣化而運行於膚表。以陽之氣出於中極。循

開元而上。上合三焦。通會元真於肌腠。名曰開元者。乃元真所出之關也。金冷結在膀胱。開元既不得太陽之陽。又不得少陽之熱。而病手足厥冷者如此。

傷寒發熱四日。厥反三日。復熱四日。厥少熱多者。其病當愈。四日至七日。熱不除者。必便膿血。

合下兩節以寒厥之多少。而論病之愈未愈也。此節言厥少熱多。陽氣有餘。其病當愈。若四日至七日。但熱不除而無厥。則陽氣太過。必熱傷血分。而便膿血也。

傷寒厥四日。熱反三日。復厥五日。其病爲進。寒多熱少。陽

氣退故爲進也。

此節言寒多熱少。陽氣不足。其病當進而未愈也。

傷寒六七日。脈微。手足厥冷。煩躁。炎厥陰。厥不還者死。

合下六節。論厥熱之死證。而屬於不治也。傷寒六七日。

者。六日六氣。七日環復也。脈微者。氣血虛也。手足厥冷。

者。陰陽不相順接也。煩躁者。水火不相交濟也。炎之而。

厥不還。陰中之陽氣不復。故死也。○愚按此節言陰陽。

水火不相交會。舉三陰三陽而言其下。則分論三陽也。

傷寒發熱。下利厥逆。躁不得卧者死。

此陽明土氣內絕而爲死證也。傷寒發熱乃陽氣外浮。下利則陰液下洩。厥逆者土氣內虛。厥冷而吐逆也。躁不得卧者胃不和則睡不安。陰氣下竭不交於陽明故躁不得卧也。此爲土氣內絕故死也。

傷寒發熱下利至甚厥不止者死。

此太陽表陽外亡而爲死證也。傷寒發熱表陽外浮也。下利至甚陰氣下脫也。厥不止者陰陽不交表氣外亡故死也。

傷寒六七日不利便發熱而利其人汗出不止者死有陰

無陽故也。

此少陽三焦外脫而爲死證也。傷寒六七日，乃寒傷厥陰而復交於厥陰也。不利者，得中見少陽之氣，而三焦自和也。若初得病時，便發熱而利，其人汗出不止，夫發熱則上焦陽氣外浮，利則下焦生氣下洩，汗出不止，則中焦津液外亡。三焦並竭，故死。又申明所以至死者，惟有三焦之陰，而無少陽之陽故也。○陸氏曰：便發熱者，便有出而不還之意，論中不輕下一字者如此。

傷寒五六日，不結胸，腹濡，脈虛，復厥者，不可下，此爲亡血。

下之死。

此言陰血內亡而爲死證也。傷寒五六日則六氣已過。不結胸者。不涉於氣分也。腹濡者。陽氣從胸入腹。不結胸。故腹亦濡軟也。脈虛者。心主之血虛也。復厥者。血虛而厥也。夫血虛尤藉下焦之生陽。故不可下。所以然者。此爲亡血下之。則陰氣下脫而死也。

發熱而厥。七日下利者。爲難治。

愚按上文五節言熱言厥言下利。或病五六日。或病六七。此節乃通承上文死證之意。而言發熱而厥至七

日而猶然下利者。病雖未死。亦爲難治。上文言死證之已見。此言未死之先機。

傷寒脈促。手足厥者。可灸之。

此下凡八節。皆論厥證。傷寒脈促者。陽氣盛而不得陰氣以相資也。手足厥者。陰氣盛而不得陽氣以相接也。夫陰陽之氣。不相順接。便爲厥。故可灸之。以啟陷下之陽。○愚按脈促而厥。其曰可灸者。厥陰首重生陽也。傷寒脈滑而厥者。裏有熱也。白虎湯主之。

上文脈促。乃陽盛而不得陰氣以相資。此言脈滑。乃純

陰與正陽相合。戊癸合而化火也。傷寒脈滑者。陰陽合
化太過也。滑而厥者。陰陽搏聚於內。氣機不能外達而
厥也。裏有熱者。裏有合化太過之熱。故以白虎湯主之。
○太陽篇云。傷寒脈浮滑。此表有熱。裏有寒。白虎湯主
之。同一義也。然在太陽。言浮滑而表熱。裏寒。在厥陰。不
言浮與表。但言脈滑而厥。義雖同而意稍殊。學者其致
思焉可也。

手足厥寒。脈細欲絕者。當歸四逆湯主之。若其人內有久
寒者。宜當歸四逆加吳茱萸生薑湯。

當歸四逆湯方

當歸

桂枝

芍藥

細辛

各三兩

大棗

二十枚

甘草

通草

各二兩

右七味以水八升煮取三升去滓溫服一升日三服

當歸四逆加吳茱萸生薑湯方

即前方加生薑

半觔

吳茱萸

二升

右以水六升清酒六升煮取五升溫分五服

此言脈細欲絕。主陰陽血氣皆虛。而不同於上文之促滑也。手足厥寒者。陰陽血氣皆虛也。脈細欲絕者。陽氣

虛而陰血並竭也。故主當歸四逆湯。桂枝細辛助君火之神氣以養陽。當歸芍藥資中焦之血氣以養陰。大棗甘草益其中土。通草通其絡脈。陰陽血氣通調而脈體自和。寒厥可愈。若其人內有久寒而脈細欲絕者。更加吳茱萸生薑。茱萸溫厥陰之內寒。生薑助中土之陽熱。大汗出熱不去。內拘急。四肢疼。又下利。厥逆而惡寒者。四逆湯主之。

白下兩節皆論四逆湯治汗出下利而厥也。大汗出者表氣虛也。熱不去者病未解也。內拘急者生陽之氣虛。

於內也。四肢寒者，生陽之氣虛於外也。又下利者，言生陽之氣，且不能充於內外。又下利而泄其生陽，則中外皆寒。故厥逆而惡寒，則以四逆湯啟下焦之生陽，溫內外之陽熱。

大汗若大下利而厥冷者，四逆湯主之。

此即上文之意，言大汗若大下利，而但有厥冷之證者，乃厥陰不得陽熱之化，故亦主四逆湯。○愚按四逆湯主啟下焦之生陽，以溫中土之虛寒，以回表陽之外脫，是從下而中，由中而外之神劑也。陽去陰微，非此莫救。

病人手足厥冷。脈乍緊者。邪結在胸中。心中滿而煩。飢不能食者。病在胸中。當須吐之。宜瓜蒂散。

合下兩節。言病厥而厥陰之氣不能上合心主之陽。治邪治水之各有其法也。病人手足厥冷者。病厥陰而不得陽熱之氣也。脈乍緊者。言厥陰之氣不能上合於陽。時或與陽氣相持。而乍緊也。所以然者。爲寒邪結在胸中。胸者心主之宮城。故心中滿而煩。食氣入胃。濁氣歸心。故飢不能食。夫煩滿不能食者。皆由邪結而病在胸中之故也。其高者。因而越之。宜以瓜蒂散吐之。○愚按

四逆湯乃啟在下之生陽。生陽者正氣也。正氣故而中、外溫。和。孤蒂散。乃吐在上之結邪。結邪者寒邪也。寒邪去而陰陽交會。故正以散邪。除邪而救正。此類是已。傷寒厥而心下悸者。宜先治水。當服茯苓甘草湯。却治其厥。不爾。水漬入胃。必作利也。方見太陽篇五苓散下

上文言寒邪結於上。此言水氣動於中。傷寒厥而心下悸者。寒傷厥陰則厥。水氣上承則心下悸。夫傷寒而厥。水動而悸。證雖並呈。宜先治水。當服茯苓甘草湯。茯苓桂枝。歸伏心氣以下交。甘草生薑調和中土以治水。水

氣行而心悸平。却治其厥。不爾者。言不以茯苓甘草湯治水。則火上真氣內虛。不能行泄其水氣。水漬入胃。陰氣內盛。必作利也。

傷寒六七日。大下後。寸脈沉而遲。手足厥冷。下部脈不至。咽喉不利。吐膿血。泄利不止者。為難治。麻黃升麻湯主之。

麻黃升麻湯方

麻黃

二兩半

升麻

一兩一分

當歸

一兩一分

知母

黃芩

萎蕤

各十銖

石膏

白朮

乾薑

芍藥

桂枝

茯苓

甘草

天門冬

去心各六銖

右十四味以水一斗先煮麻黃一兩沸去上沫內諸藥煮取三升去滓分溫三服相去如炊三斗米頃令盡汗出愈

此言陰極而初陽不生致厥陰標本中見之氣皆虛者當以麻黃升麻湯啟陰中之初陽而達於肌表也傷寒六七日病復交於厥陰也大下後則陽氣下陷故寸脈沉而遲陽氣外微故手足厥冷下部脈不至者陰極而陽不生也咽喉不利乃厥陰風氣在上而上焦虛唾膿血乃厥陰火化在中而中焦虛泄利不止乃厥陰標陰

在下而下焦虛。夫風氣盛於上。火熱見於中。陰液洩於下。乃厥陰標本中見之氣皆病。不得其法以救之。則束手待斃。故曰此爲難治。若欲治之。麻黃升麻湯主之。麻黃升麻。散少陽之氣於陰中。而直通於肌表。萎蕤天冬。滋少陽之火熱。而助其陰液。當歸芍藥。和三焦以養血。苓朮甘草。益土氣以和中。乾薑桂枝。助火熱而止利。知母黃芩。涼三焦而瀉火。石膏質重。從裏陰而外達於肌腠。夫陰陽血氣調和。則汗出而愈。又升麻當歸。用一兩一分者。兩爲陰數之終。一乃生陽之始。亦散陽氣於陰。

中而上達心包之意云爾。

傷寒四五日。腹中痛。若轉氣下趨少腹者。此欲自利也。

自此以下凡十八節。皆論厥陰下利。而有陰陽寒熱虛實生死之不同。傷寒四五日者。寒邪從少陽而入於太陰也。太陰主腹。故腹中痛。若轉氣下趨少腹者。太陰地土之氣。不能上升而四達。寒邪下陷。故曰此欲自利也。傷寒本自寒下。醫復吐下之。寒格更逆吐下。若食入口即吐。乾薑黃連黃芩人參湯主之。

乾薑黃連黃芩人參湯方

乾薑

黃連

黃芩

人參 各三兩

右四味以水六升煮取二升去滓分溫再服

此言下利本自於寒。不可更逆以吐下也。自從也。傷寒本自寒下者。言傷寒本從於寒而下利也。醫復吐下之。則正氣虛。而寒氣內格矣。更逆吐下。即醫復吐下之。謂也。若食入口即吐。即寒格之謂也。按平脈篇曰。格則吐逆。乾薑黃連黃芩人參湯主之者。厥陰風氣在上。火熱在中。標陰在下。故以芩連清中上之風熱。乾薑溫下利之陰寒。人參補中土而調和其上下。

下利有微熱而渴。脈弱者。今自愈。

合下兩節。言厥陰下利。得微熱而自愈也。下利者。裏寒也。有微熱而渴。得少陽中見之火氣。脈弱。則初陽漸長。始雖下利。今當自愈。

下利脈數。有微熱汗出。今自愈。設復緊。爲未解。

此即上文之意。而申言脈緊爲未解也。脈數者。少陽火熱之氣也。微熱汗出。則陰陽自和。故下利當愈。設火熱太過。而與陰寒相持。其脈復緊。病爲未解。此承上文而申明少陽火熱之氣。不宜太過之意。

下利。手足厥冷。無脈者。灸之。不溫。若脈不還。反微喘者。死。
少陰負趺陽者。爲順也。

此言下利無脈。不能上承於陽者。死。若得上承於陽者。
爲順也。下利。手足厥冷者。惟陰無陽。不相順接也。無脈
者。氣不往來也。故宜灸之。既灸而手足不溫。其脈不還。
反微喘者。乃根氣絕於下。陽氣脫於上。故死。此少陰陰
氣下絕。不能上承於陽。若少陰之氣。上承陽明。而負趺
陽者。爲順。負。承也。趺陽。乃陽明之胃脈。言少陰之氣在
下。得上承於陽明。則陰氣生而脈還。陽氣復而得溫。故

爲順也。○金氏曰。少陰負跌陽。亦戊癸合化之義。

下利寸脈反浮數。尺中自濇者。必圜膿血。

此言下利而熱傷包絡也。本篇凡言便膿血者。皆熱傷絡脈。病屬心包。下利則陽氣下陷。其脈當沉。陰氣內盛。其脈當遲。今不沉遲而反浮數。見於寸口者。熱傷心包也。尺中自濇者。下利而陰血自虛也。陰血下虛。陽熱上乘。陰陽血氣不和。是以心圜膿血。圜者。教便後重之意。下利清穀。不可攻表。汗出必脹滿。

本論中凡言下利清穀者。皆屬少陰下利也。夫少陰太

陽爲先天水火。主神機出入。故下利清穀。則少陰內虛。不可攻表。而復傷太陽之氣。若攻表汗出。則少陰太陽神機不合。出入有垂。而胸膈必脹滿也。

下利脈沉弦者。下重也。脈大者。爲未止。脈微弱數者。爲欲自止。雖發熱不死。

此言下利而得陰中初陽者。爲自止也。下利脈沉弦。則少陽之氣不升。故必下重。若陽熱盛而脈大。非初陽之脈象。故利爲未止。夫沉弦則不及。脈大則太過。皆非陰中初陽。故下重。故未止。脈微弱數者。微弱爲陰。數則爲

陽微弱而數。乃陰中有陽。得此脈者。爲欲自止。雖陽氣外浮而發熱。亦不死。所以重初陽之意也。

不利。脈沉而遲。其人面少赤。身有微熱。下利清穀者。必鬱冒汗出而解。病人必微厥。所以然者。其面戴陽。下虛故也。此言陽明熱氣上承而下利可愈也。下利脈沉而遲。則下利而屬於厥陰矣。其人面少赤者。陽明行身之面。是爲陽明熱氣上承。身有微熱者。陽明土氣自和也。雖下利清穀而兼病少陰者。熱氣上承。必鬱冒汗出而解。解者。解其下利也。夫鬱冒而未得汗時。病人必微厥。所以

微厥者其面雖少赤而戴陽兩陰下利則下虛故也。

下利脈數而渴者今自愈設不差必圜膿血以有熱故也。此重言以申上文之意言圜膿血之因於熱也下利脈數而渴者承前兩節而言其一乃下利脈數今自愈其一乃下利有微熱而渴今自愈設不差必圜膿血者言當愈不愈必熱傷包絡而便膿血又申明所以便膿血者以脈數而渴內有熱故也。

下利後脈絕手足厥冷時時脈還手足溫者生脈不還者死。

愚按上文俱言下利。此言下利後者。所以結上文之意也。夫下利後而脈絕。則下焦生氣不升。手足厥冷。則中焦土氣不和中。下二焦氣機欲絕。尤藉上焦君火之氣以相濟。夫上焦之氣。常與榮俱行。陽二十五度。行陰二十五度。一日一夜環轉一週。晡時。週時也。晡時脈還者。上焦之氣下行。而下焦生陽之氣得升也。手足溫者。中焦火土之氣得和也。故主生。若脈不還。則上焦之氣不能環轉於下。下焦生氣內絕。故主死。○管氏曰。此一節乃結虛寒下利。意謂虛寒下利而涉於陰。則有死有生。

末節梔子豉湯乃結三陽下利故但言證治不言死生傷寒下利日十餘行脈反實者死

愚按此節復提傷寒二字以上文既言下利後此節論寒傷厥陰而及於三陰三陽有更端復起之意傷寒下利者傷寒本自寒下也日十餘行者病厥陰而三陰三陽之氣皆虛也夫六氣主十二時一日而十餘行則陰陽六氣皆虛氣虛而脈反實者乃真元下脫不得柔和之胃脈也故死

下利清穀裏寒外熱汗出而厥者通脈四逆湯主之

此下利而涉於少陰也。少陰篇云。少陰病。下利清穀。裏寒外熱。手足厥逆。脈微欲絕。身反不惡寒。通脈四逆湯主之。在少陰言四逆湯。又主通脈。此言下利清穀裏寒外熱。汗出而厥。乃下利而屬於少陰。故亦以通脈四逆湯。故下焦之生陽與上焦之血脈相通於外內也。熱利下重者。白頭翁湯主之。

白頭翁湯方

白頭翁

二兩

黃連

黃蘗

秦皮

各三兩

右四味以水七升煮取二升去渣溫服一升。

此下利而涉於太陰也。熱利者。乃協厥陰中見之陽熱而下利也。下重者。邪實而地氣不升也。故以白頭翁湯主之。白頭翁。氣味苦。有風則靜。無風獨搖。其體能立。其用能行。性從下而達者也。連苗栢葉。經冬不凋。皆得冬令寒水之氣。能啟水陰之氣。上滋火熱。復能導火熱以下行。秦皮。氣味苦寒。漬水和墨。其色青碧。亦得水陰之氣。而上行下洩者也。取白頭翁之升。用二之。偶秦皮連栢之降。用三之。奇。用下之氣。上升。協熱之邪下洩。則熱利解。而下重除矣。白頭翁根上有白茸。如白頭。

老翁。山中人。賣白頭翁。凡服之。壽考。又云。服秦皮而
頭不白。夫髮者。血之餘。二味主清涼養血。熱利下重。乃
氣陷於血分。故皆用之。○白頭翁與柴胡同類。柴胡中
檢根上有白茸者是。本經主治溫瘧。功用與柴胡相同。
能啟下焦之陽氣。故此方啟陷下之陽。清下利之熱。
下利腹脹滿。身體疼痛者。先溫其裏。乃攻其表。溫裏宜四
逆湯。攻表宜桂枝湯。

攻。專治也。表。肌表也。此言太陽之氣。出入於地中。內而
後外。降而後升之意也。下利腹脹滿。則表陽之氣。陷於

地中身體疼痛者。肌表之氣不和也。夫太陽之氣內而後外。降而後升。故先溫其裏而土氣和。乃攻其表而陽氣出。四逆桂枝先後用之。○高子曰。上文但論太陰熱利之證。故此復論太陽之氣陷於地中。下利腹脹滿而溫。以四逆湯。殆補太陰之未盡與。

下利欲飲水者。以有熱故也。白頭翁湯主之。

此言下利欲飲水而病少陽火熱之氣者。亦以白頭翁湯主之。

下利。譫語者。有燥屎也。宜小承氣湯。

此言下利瀝語。而病陽明燥屎者。宜以小承氣湯泄之。
下利後更煩。按之心下濡者。爲虛煩也。宜梔子豉湯。
愚按至此亦言下利後者。亦所以結上文之意也。夫下
利後而更煩。則下焦陰津既洩。而上焦火熱更盛也。按
之心下濡者。乃中土之氣內虛。故曰爲虛煩也。宜梔子
豉湯。調和上下。交濟陰陽。○晉氏曰。梔子豉湯。乃交通
心腎。而爲水火既濟之方。故言此以結三陽之下利也。
嘔家有癰膿者。不可治。嘔膿盡自愈。

此下四節。皆論嘔證。而有血氣寒熱之不同。蓋此節言

血。下節言氣。三節言寒。四節言熱也。夫嘔家有癰膿者。乃包絡內傷。病干血分。故不可治。嘔言不可以辛散之。品治之也。膿盡則包絡藏氣自和。血液自正。故愈。嘔而脈弱。小便復利。身有微熱。見厥者。難治。四逆湯主之。此言病嘔而陰陽氣機貴相順接。若不順接而厥。則爲難治之意。嘔而脈弱者。少陽之氣內虛也。少陽虛。小便當不利。小便復利者。三焦之氣自和也。身有微熱者。陰陽之氣通調也。此病嘔而氣機順接。內外猶因。若氣機內外不順接。相因見手足厥冷之證。則爲難治。若欲治

之四逆湯主之。

乾嘔吐涎沫頭痛者。吳茱萸湯主之。

乾嘔者。陽明胃氣虛寒也。吐涎沫者。太陰脾氣虛寒也。脾氣虛寒。不能轉輸其津液。故涎沫反從脾竅而出。夫津液淖澤。上濡空竅。補益腦髓。今涎沫外溢而頭痛者。寒氣盛而陽氣微也。吳茱萸湯主之。茱萸。秉木火之氣。能溫中土。人參益胃。大棗補脾。生姜宣達胃氣。則土氣溫和而嘔吐自平矣。

嘔而發熱者。小柴胡湯主之。

此言表熱內乘少陽樞轉不利。嘔而發熱。則以小柴胡湯。樞轉而外散其表熱焉。

傷寒大吐大下之極虛。復極汗者。其人外氣拂鬱。復與之水。以發其汗。因得熾。所以然者。胃中寒冷故也。

此統承厥陰篇之嘔吐下利厥熱而論熾證之因。胃中寒冷而爲敗呃也。傷寒大吐者。上四節之嘔證是也。大下之者。前十八節之下利是也。極虛者。通論本篇之虛證也。復極汗者。亦本篇大汗出之類是也。其人外氣拂鬱者。言陽熱之氣拂鬱于外。不通于內。或熱或寒。前十

八節之厥熱是也。復與之水以發其汗者。言因外氣拂
薄。反與水以發其汗。則惟陰無陽。惟寒無熱。胃中寒冷。
而爲噦。又申明所以致噦者。以水寒入胃。胃中寒冷。故
也。由是而知人以胃氣爲本。胃以陽熱爲先。

傷寒噦而腹滿。視其前後。知何部不利。利之即愈。

上文胃中寒冷而爲噦。此三焦氣逆而爲噦。夫傷寒以
胃氣爲本。厥陰從中見。少陽之氣。三焦者。少陽也。故言
胃與三焦。以終此篇之義。傷寒噦而腹滿。乃中土內實。
故當視其前後。夫三焦者。決瀆之官。水道出焉。三焦氣

逆。則前部之小便不利。又三焦之氣併結於胃。上焦出胃上口。中焦並胃中。而泌糟粕。下焦別迴腸。成糟粕。而俱下於大腸。三焦氣逆。則後部之大便不利。是三焦不通。而爲逆呃也。若利之。則三焦通暢。人即安和。而噦自愈。夫傷寒至噦。命將難全。醫者於此。當審其不足有餘。寒熱虛實。溫其胃土。和其三焦。則庶幾焉。

以上三陽三陰共三百八十一證